

四庫全書

子部

欽定四庫全書

萬姓統譜卷一百二十 明 凌迪知 撰

入聲

十藥

霍

太原羽音周文王第六子霍叔之後以國為氏又望出河東蜀郡

漢霍去病

平陽人為人士言不洩有氣敢往善騎射武帝朝從衛青為嫖姚校尉凡六出擊匈奴封

狼居胥山禪於姑衍登臨瀚海封冠軍侯加驃騎大將軍

霍光

字子孟去病異母弟武帝朝為奉車都尉出入禁闈二十餘年未嘗有過受遺詔輔昭帝百姓

充實四夷賓服及廢昌邑王立宣帝前後秉政二十年甘露中圓形麒麟閣后第一云大將軍

博陸侯霍

氏而不名

霍譖

字叔智鄆縣人仕為北海相入為尚書僕射大將軍梁冀秉權譖因陸見陳其罪及冀誅桓帝

嘉其忠節封都亭侯出

為河南尹遷司隸校尉

霍雋

諳子桓帝嘉諳而陳梁冀罪及冀誅以雋為安定太守

霍融

侍詔  
太史

三國霍峻

字仲邈枝江人漢昭烈時守葭萌城張魯遣人誘之峻曰小人頭可得城不可得以功遷梓潼

太守及卒昭烈率羣僚弔祭留宿墓上子弋為太守璠中庶子璠好騎射弋引古義以規諫之

霍弋

字紹先仕後主為建寧太守安南將軍統南郡

事聞魏軍來弋欲赴成都後主以備敵既定不

聽及成都守弋素服號哭大臨三日諸將勸

宜速降弋曰今道路隔塞未詳主之安危大故

去就不可苟也若主止于魏苟相遇以禮則保

境而降未晚也若萬一危辱吾將以死拒之何

論遲速耶

晉霍原

字休明廣陽人少有志嘗詣京師貴游子弟皆

求一見同郡劉岱將舉之疾草敕其子沈曰原

宸道清虛汝當薦之山居積年門徒百數及沈

為國大中正進原為司徒不就後以王褒以賢

良徵亦

不就

五代霍存

曲州人驍勇善騎射仕梁累官  
曹州刺史兼諸軍都指揮使

宋 霍端友

字仁仲武進人崇寧中及第踰四年已知制誥遷中書舍人始命犀帶佩魚端友不屑附

麗忤蔡京意官至通議大夫致仕歸

霍蠡

紹興中為京西運副遷知潭州樞密陳誠之曰蠡有風力必能辦事上曰此人可用高宗臨幸

禁衛省部蠡供億曲盡其道有事即直奏中宮咸畏憚之

霍洞

字太清端友從孫喜為詩自號筠寮

霍暉

字明甫南海人篤志問學為文淵雋奇古不與俗合元哲初入太學舉人行以暉應命

霍安國

知懷州金兵圍城安國扞禦不遺力鼎澧兵亦至相與共守拜徽猷閣待制城陷將官王

美投濠死安國等被執尼瑪哈引安國以下分為四行問不降者為誰安國曰守臣霍安國也

通判州事直徽猷閣林淵兵馬鈐轄濟州防禦使張彭年都監趙士詩張湛于潛鼎澧將沈敦張行中及隊將五人同辭對曰淵等與知州一體皆不肯降首令引於東北鄉望其國拜降皆不屈乃解衣而縛殺十三人而釋其餘安國一門無噍類贈延康殿學士李綱言仗節死義者在內有李若水在外有霍安國

明  
霍瑄

鳳翔人舉人歷任工部侍郎英廟北狩車駕至城下守者戒嚴不敢啓瑄從水竇下匍匐出諸

在大同久  
熟知邊務

霍榮

字文華盩厔人正統戊辰進士自幼聰明過目成誦不妄與人言語及任工科給事中抗言直

諫為世  
欽仰

霍毅

大寧知縣公平忠厚剖決詳明以縣地疏瘠諭民藝黍粟以治生興利除害民安其業

霍球

字廷獻南海人正德六年由舉人署晉江縣學訓導性度夷坦行如其學每月按期課諸生以

霍韜

身率之經年不倦與泉大夫士相遇從講學之外無他及也未秩滿陞湖廣武陵知縣卒于官字渭先南海人正德甲戌進士授主事以大禮仕少保禮部尚書卒贈太保謚文敏子與暇韜議論侃侃直毅無前才識宏博能鼓舞人才奏疏屢上皆惓惓憂國愛君惜其功業未究識者

大以  
為憾

霍淮

山西平定州人由舉人先任寶坻知縣陞河間府通判嘉靖八年陞通州知州性警敏有機變遇事有為先是歲徵財賦多為里書騙費小民重被賠累淮令各項錢糧俱查地清審造成格

眼小冊票給民戶及買種民地軍人令其照票  
依期自行赴州上納里老惟責令催督由是里  
老免於侵費不累小戶小戶稱便錢糧易完公  
私兩益在任四年迎送不覺其煩軍民咸安其

治陞陝西延  
安府同知

霍冀

字克封山西孝義人嘉靖  
甲辰進士歷官兵部尚書

霍超

字叔謙南海人嘉靖  
癸丑進士歷評事

霍與瑕

字勉衷文敏公子嘉靖己未進士任慈谿知  
縣有惠政被論去隆慶初慈人羣赴闕乞留

再任歷福建僉事性愷直  
明爽議論不阿有父風

嘉靖乙丑進士霍惟蓋  
字受夫曲靖人歷知府



郝太原徵音殷帝乙王子周封太原郝鄉因氏又望出安陵京兆

漢郝潔

太原人危言高論為世所重

郝宗

金城太守

郝賢

上谷太守

郝廉

性廉潔嘗遠行於路飲輒投錢井中過姊家姊設食乃暗留金席下而去

晉郝隆

字仕治七夕日人皆曬衣物隆卧于庭中問之曰曬吾腹中書耳任為南蠻叅軍

郝光

濟南太守

唐郝處俊

安陸人少好學貞觀中第進士襲父爵為甌山公上元中因諫高宗觀醮令太子諸王分

朋角為樂及傳位武后皆為時議所直遷  
中書令武后忌之以操履無玷不能害

郝玘

臨涇鎮將說節度使段祐城臨涇為行原州以  
玘為刺史戍之自是虜不敢犯玘在邊積三十  
年每生獲虜輒剗剔而歸其  
虜人畏道其名以怖啼兒

郝靈荃

將軍討突厥殺默啜首有大功  
朝廷抑而不賞荃痛哭而死

宋 郝逢

成都人幼好學不以寒餒為憂咸平中蜀亂賊  
索書生官之不從者戮逢曰逢非儒不能從命  
詞氣不屈賊怒令引去斬之復召  
問之三詞不易賊意解乃釋之

郝廷玉

驍勇善格鬪為李光弼  
愛將封安邊郡王

郝成

字伯牙定胡人家貧竭力養親舉進士歷通山  
令時年未五十以父樵老上書請致仕代父求

官執政諭使起官而後請則可乃留妻子于家  
獨奉父行踰歲竟謝事得太子中允以歸而樵

卒自菴土造塚詔賜粟帛

郝質

字景純介休人少從軍挽強第一討平貝州以功遷并代副都部署神宗時為安武軍節度使

殿前都指揮使卒謚武莊平居簡儉食不重肉自為官從微至貴皆以功次遷云

郝仲連

昌元人金人犯河中時仲連為貴州防禦使節制河東軍馬屯河中就權府事金將羅索以重兵壓城仲連率衆力戰外援不至度不能守先自殺其家人城陷不屈及其子皆遇害後

贈明州觀察使

郝守澹

開寶中上命自荆南以巨艦載竹絙并所造黃黑龍船於采磯跨江為浮梁王師過之如

履平

郝大冲

景德中二十四賢中人

郝居中

景德中登科

郝誦

武翼大夫江陰路教授

元

郝彬

信安人任至戶部尚書嘗以天下轉輸商旅市易之不如法者著為定制請行便益天下仁宗

時為大

司農

郝天挺

安肅人英爽剛直有志畧累官中書左丞卒諡文開其所論建嘗以惜名爵抑浮費止括

田開

使論好事獎農務本勵學養士為言皆納又註唐詩鼓吹及修雲南實錄子祐開

關 中侍御史以  
著名

郝巴圖

太原人善騎射通譯語太祖遣使宋往返數  
四以辨稱從侵宋以功拜宣德等五路萬戶

後還治太原凡遠道租稅過重者悉革之  
卒封冀國公子天益天舉天澤皆至總管

郝經

陵川人父思溫避河南之魯山金亡徙順天經  
家貧晝則負薪水為養暮則讀書居五年為守

帥張柔賈輔所知延為上客世祖在潛邸召經  
諳以經國安民之道條上數十事大悅遂留王  
府及即位為翰林侍讀學士充國信使使宋  
被留不屈居十六年歸著文集凡數百卷

明 郝安童

祁縣人父玄戍定邊卒安童補役以母老  
無他兄弟供養詣闕自陳上憐之復其家

郝敬

永樂初知永寧縣守身廉謹遇事公勤縣有萬  
箱等渠歲久堙塞敬諭民疏導之溉田百餘頃

郝珩 廣平人永樂舉人擢吏科給事中彈劾不避權勢以清慎稱累官至陝西左布政使旬宣有聲

郝鵬

徐溝人由太學生歷職任路有能名累官湖廣布政司左叅政

郝玘

山西吉州人由監生任典史以廉能稱陞邯鄲知縣調碭山所至能勸課農桑致民富足興學

校作成人才鄰邑皆稱慕之在碭山蕭父老陳情乞留永樂十六年調知蕭廉能益著子孫今

居蕭

郝文傑

字士英陽曲人景泰癸丑進士歷副使美髯長軀意氣侃侃有幹局知平湖課農桑節冗

費期與民休息尤激昂士類人甚德之督儲榆林嚴而能容力剋宿弊有執持威武不能奪亦

伉直之士也

郝淵之

字希顏綏德人景泰辛未進士任知府

郝毅

榆次人天順間舉人授鞏昌府通判下車牒訟紛委毅談笑立決吏畏服如神尤喜勸勵學校

未幾以小憾落職歸屏居南趙別墅五十年不涉城市躬課耕桑以給伏臘毅外貌樸疎內極

剛正不以毀譽為喜怒時稱有長者之風

郝隆

灤州人成化進士

郝志義

字宜之清河人成化己丑進士歷侍郎

郝世家

字道傳三原人正德甲戌進士歷副使

郝綰

字玉卿河內人正德進士四川僉事

郝惟嶽

字叔望叙州人嘉靖  
巳丑進士歷都御史

郝良臣

字廷蓋山西襄垣人嘉靖  
辛丑進士歷官光祿卿

郝鳴陰

字子如寶坻人嘉靖  
甲辰進士歷知縣

郝成性

字存甫江都人嘉靖  
丁未進士歷叅議

郝守業

字子述鈞州人嘉靖  
庚戌進士歷知府

嘉靖丙辰進士郝杰字彥  
甫蔚州人任御史歷叅政

隆慶辛未進士郝孔  
昭字起潛東安人

隆慶戊辰進士郝惟喬字  
子遷扶溝人任給事中



萬曆甲戌進士郝國章太醫院人初任吳縣知縣

莫陵 鉅鹿商音河南官氏志邢莫氏改為莫氏又望出江

漢莫藏用 比部員外郎

莫含 繁峙人劉琨為并州辟含從事穆帝聞其才求含於琨遂入參軍國大謀後封關中侯子顯為

左常侍顯之子題後魏時為大將以功封東安侯弟雲好學善騎射官至執金吾進封安定公

莫珍 註太公陰符六卷

莫雲 好學善騎射道武時常典選曹遷執金吾參軍國謀議卒于左衛將軍

唐莫宣卿 開建人大中間進士第一今縣金鏤村有莫狀元讀書堂及片玉亭

宋 莫洪謩

南丹州人開寶中遣使奉表求內附太祖刻印以給之領州十餘年歲貢白金百兩厥後

子孫世襲為刺史修貢不懈

莫君陳

字和中歸安人從安定先生學登嘉祐二年第御家嚴整如官府東坡有西河跳珠軒詩

贈莫同年  
即君陳也

莫儔

政和中上御集英殿賜儔等及第

莫抃

字慶叔世居青鎮縣太學生登進士第歷舒州錄叅通判常州鄆州同年在要津者列薦乞補

內職抃性恬退力請郡得守臨汀旋丐祠歸自號知足居士初其兄弟析居日舉其屋以義遜投老猶未有所寓至是纔築室以居開圃以自適病且草自誌其墓止叙平生安分知足之意

故於業皆畧而不載子澤

莫蒙

字養正青鎮人宣政間游太學以文鳴京師指為東南之秀蹭蹬不偶就特科出任卒官糾曹

晚年遊戲翰墨詩律清奇詞尤婉麗有卧蛇集十卷行於時

莫砥

字彥平君陳長子弟礪字彥輔砥嘗知永嘉為增養士之額士多感之為立生祠

莫伯鎔

字器之礪之子也少有高志年五十歸休三子濟汲冲皆擢進士第時號三莫

莫伯虛

砥子守溫州立思濟堂後知常州有瑞梅甘露秀麥嘉禾之祥晚年退居注意佛學屏絕

世故撰修行淨土書法門華嚴經意並刊行于世又釋楞嚴圓覺經

莫濛

字子濛君陳曾孫兩魁法科累官大理評事理獄多得其情後遷直寶文閣學士假工部尚書

使金賀正旦錫宴濛以本朝忌日不肯簪花聽樂金人不能奪

莫汲

伯鎔子紹興間為國子監正自號且河宰相秦檜惡其張主善類謫化州郡士之秀者多從之

學

莫澤

朴子字兌夫踵世登科紹熙四年進士初任龍舒教官旋改秩知寧國之旌德入朝歷清要任至刑部尚書晚謫居星渚得還故里復元官卒

莫濟

伯鎔子歸安人任司農少卿初為給事中李衡為侍御史論張說不行致仕而歸濟不書敕直學士周必大不草制諫官王希昌相繼論奏不報同時去國當時賦四賢詩紀之濟後仕至司

農少

卿

莫冲

伯鎔子中博學宏詞科歷明州長史以循良稱弟澄進士亦知名于時

莫漳

君陳曾孫歸安人任平江守初知仁和時有出入德壽宮者恃勢虐害善良漳擒撻之高后怒

孝宗謫漳一級未幾復撻一豪惡又謫一級居數月平江缺守宰執進擬孝宗曰朕有其人遂

除漳院轄以承議郎知平江

子柯進士孫烈知建昌府

莫琮

字叔方仁和人建炎初避地崇德晚入仕歷明福二州幕官行已俱有可觀子五人元惠若晦

似之若拙若冲俱登科時比燕山五竇

莫公晟

洪普之裔紹興中廣南經畧使劉彥適薦公晟知南丹州兼溪峒都巡檢使強人不叛百

姓安業

莫之用

祖戩辨口說賊脫百人於死意其後必昌而之用貧不能自給天理殆難曉也山谷贈以

長篇末云虎頭食肉何足誇陰德由來報宜畚丹竈功成無躍兔玉函方祕綠青蛇

莫士先

字元亨大庾人乾道辛卯特科調邕州戶曹年及九十長子如德淳祐甲辰進士

莫及

字仁父青鎮人扞從姪也垂髻力學甫冠亞計偕旋占首選登進士第歷上元尉建寧錄叅改

秩宰信之玉山通判澧州隧誌不書宦業第聞其廉介弗阿安貧不躁進殊有古人風致云

莫光朝

字謙仲及同堂弟也自幼從師受學雋爽不凡建長深自刻勵至忘昏旦寒暑博覽強記

下筆屬文頃刻數百言尤邃於易不拘傳註推明旨意反覆論究超出眾見聯中里選登進士

第益閉戶讀書以充其學尤好為詩句法清麗識者謂其得意處不在唐入下改秩知江寧以

撫字  
稱

莫元忠

字子直知義烏歲歉勸分賑之判德安撫惠貧民新學造士滿去人皆思之居鄉率同志

合辭當路請沒官田增學庠為養士費又謂齒尚於鄉倫明於學歲時必造學宮習長幼之儀

鄉黨尊

異之

莫若晦

字子明守宜春蠲逋舉瑩後守嚴州有虎患若晦示思信于民虎遂遠陞湖廣南庠提舉

莫若冲

字子謙知安吉吳江有聲除司農簿論對時用事者議開邊若冲諫沮之出知岳州兵荒

盜起督捕賑發境內帖然知全州漕司徹解軍糧州處湘源環高易洄客舟聞裝糧絕不至若

冲遂發官帑造舟搬運率先諸郡明年靖江暴水民賴舟以濟最聞除大理丞丐祠歸有語溪

文集十  
卷行世

莫叔光

字仲謙舉進士又中博學宏詞科歷官中書舍人紹熙二年春雷雪交作詔陳闕失叔光

言女謁漸行近習預政等事詞皆剴切布衣俞古上書將以指斥被竄叔光詣執政白不可尋有旨筠州安置叔光即繳奏方求言不宜罪言者事竟寢後歷吏部侍郎兼祕書監卒叔光外醇和中實狀介入西掖纔三歲論駁數十事且奏過內侍遙領郡等事時論甚避之

莫謙之

宜興人初為僧德祐初糾合義士捍禦鄉閭詔為溧陽尉尋歿於戰陳贈武功大夫

莫天祐

字均作封川人奮志讀書嘉定間廷試及第任連州司法叅軍改知道州一門子姪俱領

鄉薦郡人榮之



莫子純

慶元中進士第一以受蔭補官命居其次

元莫月鼎

歸安人名起炎幼習舉子業三試有司不利乃著道士服更號月鼎入青城山見徐無極

授五雷法用是召雨破鬼魅動無不驗雖嬉笑怒罵皆若有神物從之者元世祖遣御史中丞

崔或求異人于江南得之賞賚優厚卒年六十九金華宋濂為之傳

明

莫維賢

字景行錢塘人好學能詩雅高標致西湖南北兩山間擇勝處為別業二時致士大夫游

咏其間列二十一題多留咏之以比王維之韜川莊云洪武初曾為杭庠訓導所著有廣莫子稿

莫轅

字美仲吳江人洪武初父繫詔獄將刑轅年十一願代父死理官試將脅誘語無異詞遂奏釋

其父家被大火逼母寢轅躍入火中抱持以出鬚眉盡焚鄉人謚為貞孝先生

莫禮

字士敬吳江人洪武中以稅戶人材授戶部員外郎陞本部侍郎俄坐黨事臨刑賦詩有一心

忠義堅如石惟有皇天后土知之向人多傷之

莫如輔

洪武中知善化縣勤政恤民人安其業修舉荒廢令績稱能

莫仲昭

銅梁人洪武中以國子生入仕才能超異累陞浙江布政使所著有文集十卷有惠政名

稱

莫敬山

蒼梧人洪武中由明經舉任本縣儒學訓導秩滿推其才學卓異陞河南布政使參議

莫灝

宛平人景泰進士

莫立之

字斯立錢塘人成化進士知分宜縣以寬恕稱召為監察御史仕至四川副使

莫昂

吳江人成化間由鄉舉授本府同知文學優長講授學徒多至成就以病歸行橐蕭然

莫藏

字用行海鹽人博涉能詩性孝母卧病父發疽瀕死皆到股療之所著有佩鷗稿詠史詩素軒

稿五音字  
書辨訛

莫震

字廷威侯官人以進士知嘉魚縣為人修潔春秋祀神牲醴皆戒于二月前官舍有木偶神像

投之江每春冬親行郊野相土宜修陂池與民興功利故疆場整飭封邦肅然日與賓客登山

臨水飲酒賦詩為樂無局促意今龍潭周遭之木皆當時所樹者遷延平同知

莫愚

臨桂人仕至工部郎中陞常州知府以正直自持稱為賢守從侍郎周恂重濬蔡涇人獲其利

莫如爵

字子修龍驤衛人嘉靖辛丑進士歷都御史弟如士字子元丁未進士歷大理寺丞

莫如善

字子明恩平人嘉靖庚戌進士歷按察使

莫抑

字允升高平人嘉靖癸丑進士歷副使

嘉靖丁未進士莫如忠  
字子良莘亭人歷布政

駱

內黃商音齊太公子駱之後以王父字為氏又望出河南會稽

漢駱俊

會稽烏傷人有文武才由尚書郎擢拜陳相值袁術借號盜起俊厲威武保鄉境賊不敢犯濟

養百姓鄰郡人多歸之後  
為袁表所害子統仕三國

駱甲

高帝時為左校尉

三駱統

字公緒俊子父有文武才統年二十試為烏程相孫權召為功曹後為濡須督數陳便宜前後

書數十上所言皆善官至建忠將軍封為侯

南駱文牙

字旗門臨安人年十二相者云此郎容貌非常必將遠至陳文帝初避地臨安文牙母知

非常人賓待厚禮文帝立封臨安縣侯位越州刺史任至散騎常侍入直殿省

駱祕道

臨安人為梁安成王田曹參軍子裕為中兵參軍

駱惠度

工歌謂之三公樂任宋與辛仲宣胡陶為友

駱瑒

少個儻好謀畧博涉經史尤便書翰任梁為郟陵王中兵參軍太清之難授假節宣猛將軍梁

亡歸陳天嘉元年授安南將軍湘州刺史封定襄縣侯太建四年為都督荊州刺史出鎮公安

瑒進城池懷服邊遠為鄰境所憚居職六年以公事免及吳明徹軍敗呂梁詔授都督沿江水陸諸軍事尋授都督鄆州刺史後主嗣位歷任度支尚書侍中祠部尚書貞明元年卒于官後主臨哭盡哀謚曰桓

唐駱賓王

義烏人七歲能賦詩與王勃楊炯盧照隣以文章齊名海內稱四傑初為趙王府屬嘗使

自言所能賓王不答歷武功主簿武后時數上疏言事除臨海丞缺不得志棄官去徐敬業討亂署賓王為府屬為敬業傳檄天下斥武后罪后讀但嘻笑至一坏之上未乾六尺之孤安在雙然曰誰為之或以賓王對后曰宰相安得失此人敬業敗賓王亡命不知所之當是之時狄仁傑委曲以圖大功徐敬業慷慨以申大義而賓王則佐佑敬業者也或者乃謂敬業反賓王

被誅  
歿矣

宋 駱世華

珍州人大觀間與駱文貴等以其地內附授  
為奉訓大夫內殿崇班使忠國愛民久而弗

替

駱登

太平中為殿中丞出  
守筠州廣修橋梁

駱起

擢進士第與  
龍起齊名

駱偃

駱與京

駱武仲

京兆人並  
登進士第

明

駱仕廉

山陰人洪武中由進士知崇陽掾守廉介撫字有方吏民懷畏陞太原知府

駱敏

字士聰湖口人正統壬戌進士歷擢湖廣按察僉事時宗室多故敏疏以聞召還為祭酒辭不就

駱瓏

字蘊良諸暨人成化辛丑進士

駱顥

字君孚富順人嘉靖癸未進士歷侍郎

駱驥

諸暨人嘉靖進士

駱文盛

字質甫武康人嘉靖乙未進士授翰林院編修兩典文衡號為得士時權相當路每竊憤

之值內艱服除不起屢空宴如也雖亭午未饗亦不屑意非其義一介不取撫按周以兼金峻



辭却之嘗結茅山中足跡不至城市人咸高之

嘉靖壬戌進士駱問禮諸暨人歷叅政

雜

漢 雜功 見印

明 雜僉 洪武中任 僉都御史

雜守 一字執中三原人博學剛方莊重守禮宣德壬子鄉舉任廣昌壺關訓導山西蔚州學正所

在勤於訓誨束修之禮一不肯受歸至家貧養不事干謁志行之高有古賢者風子光

溥有文名

維銘 三原人弘治進士

維昂 字仲悅 三原人 嘉靖癸未進士 歷右副都御史

嘉靖乙丑進士 維遵 陝西涇陽人 歷尚寶卿

索 武威商音 殷人 七族 索氏之後 又望出汝南 燉煌

漢索班 長史 隨班勇擊車師

索盧放 濮陽人 以高書教授弟子 千餘人 光武徵為諫議大夫 數獻忠讜 尋以病去 不復望徵

索湛 燉煌人 北地太守

晉索靖 字幼安 燉煌人 湛子 累葉宦族 善草書 仕至高書郎 初與鄉人汜衷張廋索紉索永同入大學

馳名海內稱燉煌五龍四人並早亡惟靖累官尚書郎後為游擊將軍與賊戰被傷而卒

索綝

字巨秀靖子少有逸羣之量靖每曰綝廊廟之才非簡札之用州郡吏不足汙吾兒也累官至

尚書左僕射後為

劉聰所獲遇害

索統

字叔微善占夢令狐策夢立冰上與冰下語統曰媒介事也索克夢虜脫上衣統曰此男字當

生男也張邈奉使詣州夢狼啖脚統曰

脚肉被啖却字也必不行凡所占皆驗

索襲

字偉祖燉煌人虛靖好學舉孝廉賢良方正皆以疾辭游思於陰陽之術著天文地理十餘篇

多所啟發不與當世交通或獨語獨笑或長歎

涕泣時燉煌太守陰浩奇而造焉經日忘返出

而歎曰索先生碩德名儒可以諮大議會病卒

浩素服會葬贈錢二萬浩曰世人之所好先生

之所棄味無味於恍惚之際兼重玄於衆妙之內宅不踰畝而志忽九州形居塵俗而棲心天

外謚曰玄居先生

### 索敬

字巨振燉煌人為劉昫助教專心經籍盡得傳

炳業涼州平入魏以儒學為中書博士京師貴遊之子皆敬憚威嚴多所成益前後顯達位至尚書守收者數十人皆受業於敬敬以喪服散於衆篇遂按比為喪服要記出補扶風太守在位清貧卒於官時舊同學生等為請謚詔贈梁

州刺史謚曰獻

### 索泮

張天錫時出為西郡武威太守典戎校尉務政寬和戎夏懷其惠天錫甚敬之苻堅見而歎曰

涼州信多君子既而以泮河西德望拜別駕後死之於節

索振

前涼主張重華好與羣小遊戲屢出錢帛以賜左右徵事振諫曰先王寢不安褥志平天下故絳甲兵積資實大業未就懷恨九泉殿下遭巨寇於諒闇之中賴重解以挫勁敵今遺燼尚廣倉帑虛竭金帛之廢所宜慎之

索遐

為西平公涼州牧張重華司直時重華自以連破勅敵頗怠政事希接賓客遐諫曰今王室如燬百姓倒懸正是殿下銜膳茹辛厲心之日深願垂心朝政延納直言周爰五美以成六德捐彼近習弭塞外聲修政聽朝使下觀而化重華覽之大悅優文答謝然不之改也

唐  
索元禮

索目通

西都  
留守

宋索湘

鹽山人開寶中進士釋褐鄆州司理叅軍齊州有大獄逮及者千五百人湘受詔案鞫事隨以白歷河北轉運使經度供餉世號幹辦及興利革弊民甚便之後為諫議大夫知廣州

索周臣

索述

延州人登科

明索彥勝

燕山人洪武中以經明行修授樂昌知縣勞東安集宣明政教民立德政碑頌之

索忠

宿州人洪武中舉人任朝城縣教諭

索克

長治人永樂舉人

索逕

平涼人宣德舉人任知州

索雄

長山人正統中  
蘇州府通判

索承學

直隸邳州人  
弘治進士

索繼

靈寶人正德  
中壽州同知

索紹

靈寶人由歲貢嘉靖十七年知清河縣紹容止  
撫謙自持外若唯唯然其內實強毅有為往年  
聖駕南巡撫按檄有司於行在設供億而清河  
為畿輔近地紹乃懇請所司以邑小民貧量乞  
坐派於是清河所費視他邑止十之一二  
調官去民甚戀慕共為立生祠以報祀云

薄

鳳門宮音又望出燕國

周薄疑

衛賢人

漢

薄昭

薄太后弟  
封軹侯

薄戎奴

見印  
藪

晉

薄肅之

處士

薄曜

安北  
將軍

薄邕

長  
史

唐

薄芬

櫟陽人為  
大理評事

宋

薄賁

太平登  
科 譙人

薄深

并州人皇  
祐登科



明薄廷輔 修武人 永樂舉人

薄濤 定襄人 成化舉人

薄淳 普安衛人 成化戊子舉人 雲南鶴慶府推官

薄彥徽 陽曲人 弘治進士 正德中任給事中 劾劉瑾杖下 獄瑾死復職

薄恂 睢州人 正德中 邢台知縣

薄世佑 定襄人 嘉靖舉人 任郴州知州

藥 望出河南

漢藥崧 河內人 天性樸忠 嘗為郎 獨直臺上 家貧無衾 枕每食糠 穀帝入臺見而嘉之 詔太官賜朝夕

冷歷官南陽太守

藥穆太尉

晉藥沖牙門將

藥彥稠侍衛指揮使

藥可傳潞州大將

唐藥玩撰諸姓世家十卷

藥子昂大厯初閑廩使兼御史大夫子峯翁

宋藥玩福晉陽人有膽氣善騎射晉天福中擊敗契丹以功累加至檢校太尉宋初加檢校太師卒

贈侍中坑福雖老筋力不衰人言其尚堪領兵必大喜時稱驍將

藥繼能

兵馬都監

藥丕顯

藥咸寧

藥太元

並登科

明

藥理

山東人洪武初任右僉都御史

藥珩

樂安人永樂十八年舉人任滄州知州子藥和成化二十年舉人

藥汝成

陝西石樓人貢士宣德中戶部照磨

藥亨

趙州人正統中任府教授

藥和

東安人正德中舉人任寧德縣知縣

鄂之一

武昌商音晉鄂侯之後子孫以國為氏又巴蠻七姓

漢鄂千秋

沛人高祖定功封鄂進曰蕭何萬世功當封第一上曰進賢受上賞何功雖高得鄂君乃

益明卒封

安平侯

明鄂隆

河南確山人弘治中江陰縣丞

恪望出陳留

晉恪啟郎中

令

嬰

唐嬰璋

黃州刺史

嬰參

四門博士

鐸

望出絳州今絳州有此姓

周鐸過寇

晉大夫

鐸椒

楚將

漢鐸恭

藝文志春秋有鐸氏微音三篇

鐸政

廷尉見風俗通

博望出河南廣平

漢博子勞善相馬

宋博尚之奉議郎

元博敦平江人留子

明博彥約雲和人洪武中涇縣教諭

略姜姓太公之後望出武陵姓苑云零陵人

三略統吳人

約見姓苑

上古約績古賢人見韓子

漢馬融妻有約氏

宋約令鈞太子中允咸平二年趙州刺史

洛見姓苑本洛氏去草為洛氏

漢洛下閎巴郡人撰太初曆

南有官官洛齊

明洛宣正統間征麓川攻恩哭山身先士卒竟死於鋒鏑之下詔賜祭加其子官一級

洛忠官至清浪叅將早孤事母至孝神奇英邁勇力絕人平郝清普安苗首保全安南諸城信義德

威懾服夷。穆母疾，侍進湯藥，衣不解帶，遍禱廟神。稽顙北辰，願以身代母卒。哀毀盡禮，葬時秋雨連旬，至期晴霽，事畢復雨。如初人，以為孝誠所感。事聞，巡按徐文華令有司厚禮旌異之。已

入祠

祀

洛禎

嵩明人，正德中任館陶知縣。

江西高安

縣有洛氏

閣

周閻人，守王官者，所以正扇為之。閻因以為氏，望出河南，又趙郡。

唐

閣輔

御史大夫

閣并訢

見急就章



作周公之子昨侯子孫避地改為作氏

漢作顯

涿郡太守

落風俗通云卑落氏翟國也赤狄別種

南落子淵  
將虎賁

勺魯地名

宋勺復之  
眉州人慶歷進士

若姓苑云魯人

漢若章  
下邳相

宋若濤咸淳進士

鶴

金鶴壽郟王昂子本名闕五院部人世宗時老和  
尚幸眾來招壽與俱反壽曰吾宗室子受國厚

思寧殺我不能與賊反遂與二子皆被殺

貉

周貉稽見孟子

漢貉安見印

恣音恪見直音

晉 蒼任 中郎將

糕

明 糕芳 平度州人 正德中 任南平探訓導

錯 姓纂云今溫州有此姓

俗 音各見姓苑

幕 毋祖幕之後見左傳

鎗 見姓苑

郟 國名遷於南陽

獲見姓苑

拓拓拔氏改為拓又元姓

毫州名


櫟見姓苑

爵見姓苑

諾見姓苑

灤見姓苑

禱音縛見直音



萬姓統譜卷一百二十

欽定四庫全書

子部

萬姓統譜卷一百二十四

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣嵇承志

謄錄監生臣范來沛

欽定四庫全書

萬姓統譜卷一百二十一 明 凌迪知 撰

入聲

十一陌

石 武威徵音春秋公子譜石貽仲之後又望出渤海

石 石碯 衛大夫公子州吁弑桓公自立其子厚從之問  
定君於石子使朝陳請主命碯使告陳曰彼二

人實弑寡君請圖之陳請  
莊於衛使宰覲蒞之

石 石作蜀 成紀人孔子弟子魯贈  
石邑伯來封成紀侯

石紛如齊大夫

石奢楚大夫

漢石奮

河內溫人景帝朝為九卿子建甲乙慶皆以馴行孝謹官至二千石景帝號奮為萬石君奮歸養於家歲時過宮門闕必下車趨見路馬必式賜食於家必稽首俯伏而食家以孝謹聞雖齊

魯諸儒質行皆自以為不及

石慶

為太僕即史上問車中幾馬慶以策數馬畢舉手曰六馬

石苞

字仲容渤海西皮人雅曠有智局容儀偉麗不修小節時人為之語曰石仲容妓無雙縣召為吏部玄信奉使苞為御後販鐵於鄴市沛國趙元儒見苞異之期為公輔苞由是知名稍遷中



護軍司馬文帝敗於東關苞獨全軍而還帝持  
所持節謂苞曰恨不以此授仰以究大事累官

大司馬封樂陵郡公加侍

中六子越喬沅沒雋崇

石喬

字弘祖苞子歷尚書郎散騎侍郎帝嘗召喬不  
至深疑苞反及苞至有慙色謂之曰卿子幾破

卿門喬遂  
終身不仕

石雋

字彥倫苞子少有名譽議者  
稱為令器官至陽平太守

喬

石崇

字季倫苞子生於青州故小名齊奴少敏惠勇  
而有謀苞臨終分財物與諸子獨不及崇母以

為言苞曰此兒雖小後自能得年二十餘為修  
武令有能名入為散騎郎遷城陽太守伐吳有

功封安陽鄉侯在郡雖有職務好學不倦徵為  
大司農復鎮下邳崇財業豐積室宇宏麗庖膳

窮水陸之珍與王愷競以奢靡相尚後  
為趙王倫所害惠帝時詔以御禮葬之

### 石垣

字洪孫自云北海劇人居無定所不娶妻妾不  
營產業食不求美衣必麤弊或有遺其衣服受

而施人有喪奠輒杖策而弔之路無遠近時有  
寒暑必在其中或同日共時咸皆見焉又能聞

中取物如畫無差姚  
萇之亂不知所終

### 石鑿

字林伯厭次人出自寒素雅志公亮仕魏為御  
史中丞多所糾正朝廷憚之入晉累官司徒封

昌安  
縣侯

### 石甃

字仲容容儀偉麗  
語曰仲容俊無雙

南北

### 石祖興

常山九門人太守田文彪縣令和真等亡祖  
興出絹二百餘疋營護喪事州郡表列孝文

嘉之賜爵二級為寧陵令

石文德

中山蒲陰人家著義行太平真君初縣令黃宣在任喪亡宣單貧無期親文德祖父苗以

家財贖葬持服三年奉養宣妻二十餘載及亡又衰經斂附率禮無闕自苗逮文德凡刺史守

令卒官者皆制服送之

五世同居閨門雍睦

石曜

字白曜以儒學進居官清儉武平中為關守時丞相咸陽王世子斛律武都出關州郡

史性貪暴先過衛縣令丞以下斂關千足遺之至黎陽令左右諷動曜及縣官關手持一絹

謂武都曰此是老石機杼聊以關贈自此以外並須出於吏人吏人之物一毫不敢輒犯武都

亦知曜清素純儒笑而不責所著石子十卷位終燕州刺史

隋石瑒

定州人天啓二年舉進士第一自刑臺令累官吏部尚書典選詳明及拜右丞相世宗親信優

渥大小之政悉咨之而後定卒謚文獻配享世宗廟庭

唐石藏用

江都人仕為右羽林大將軍明於歷數嘗召家人謂曰天下將有變而蜀為最安處乃去

依其親眉州刺史李瀉遂家焉

石仲覽

宣城人疎財結客士多依之仕為駕部郎中御史中丞

石洪

字濬川先姓烏石蘭後獨以石為氏有志行舉明經歸東都十餘年隱居不出重脩鎮河陽求

賢者以自重乃具書幣邀辟後詔書召為集賢校理

石雄

徐州人敢毅善戰氣蓋軍中臨財廉每朝廷賜予輒置軍門自取一足縑餘悉分士伍武宗喜

曰今將帥義而  
勇罕與雄比者

### 石荆山

吳縣人善琴為獨孤及所重與之遊荆山  
每操常以十合小宮為準盡一升而移

### 石演芬

本西域人事李懷光畜為假子懷光軍三橋  
將與朱泚連和演芬使容郜成義到德宗行

在言懷光無破賊意成義走告懷光於是懷光  
召演芬罵曰汝為吾子今日負我關即死對曰  
天子以公為股肱公以我為手足公乃負天子  
我何不負公懷光使士鬻關皆曰烈士也可

令快死以刀斷其頸德  
宗聞贈演芬兵部尚書

### 石丕

字考成其先光州固始人關李時徒關  
士自綿州鹽泉尉歷官朝議大夫知關州語進

練邊事所蒞州郡情架脩舉深為關所知嘗  
於江淮間卜葬晚得地於揚子關露鄉石家

山乃歎曰吾閩人也而此有石家山豈偶然哉  
遂葬二夫人于其旁而虛其中比卒諸子遵治

命以葬累贈至特  
進後因徙居揚子

五代石敬瑭

字奉信唐廢帝時為彰聖右第三都指揮使  
領常州刺史開晉高祖舉兵太原謂人曰生

而有死人孰能免吾兄方舉大事吾  
不可偷生取辱見笑一時遂自殺

石敢當

劉知遠為晉祖押衙潞王從珂反唐愍帝出  
奔遇於衛州知遠遣力士敢當袖鐵椎侍晉

祖與愍帝議事知遠擁入敢當格鬪明知遠盡  
殺愍帝左右因燒傳國璽獨留帝闕傳而已

宋石曦

太原人仕晉為左衛將軍宋初從征太原取南  
唐皆有功歷知雄霸鎮原四州官至左龍武軍

大將軍

石晉

其先幽人徙太原祖全周鐵騎關  
給事晉邸後歷數路都摠管遷至左領軍衛大  
將軍普有膽畧凡預討伐禦敵所在即馳赴之  
頗通兵書陰陽六甲星歷推步之術太宗厚遇  
之

石守信

浚儀人仕周為鎮南軍節度使宋累加中書  
令河南尹封魏國公卒封武威郡王謚武烈  
子保興知澶州保吉鎮安軍節度使保  
興子元孫仁宗時為鄜延副都摠管

石熙載

字凝績洛陽人五代周時舉進士宋初歷拾  
遺補闕出為忠武崇義二鎮掌書記太宗即

位累遷  
左僕射

石中立

字表臣熙載子年十八能文授光祿丞遷殿  
中丞除直集賢院累擢知制誥翰林學士景

祐中拜參知政事

石賀

太平興國中知縣張公良立縣治建邑庠百姓騷動賀為出財代其費百姓德之及公良卒不

能返喪賀獻地葬之

石渝

字德川元遂之孫也唐季吳越錢氏建國為陪臣授太子賓客上柱國吏部尚書左右僞主內

獎王室忠懿未及獻籍而先以壽終時人傷其功之不明

石延翰

有大志父渝仕吳越錢氏為太子賓客吏部尚書兄延休平江軍節度使封司空獨延翰

恥之不仕隱居沃洲結廬于白雲谷隱焉以書史為樂自號雲和子人稱羽林先生後贈白雲

生先



石保興

字光喬守信之子真宗時知威武軍會夏人入寇保興發官帑錢數萬緡分給戰士主者

不可保興曰城危如此安暇中覆夏人退帝嘉之授棣州防禦使

石保吉

字祐之中書令守信之子尚太祖第五女延慶公主自諸將軍擢至節度使景德初同平

章事是年契丹入寇真宗將行幸澶淵先遣保吉與李繼隆為排陣使對壘以待而賊騎數萬驟至城下保吉不介馬當其前鋒賊甚畏憚駕至衛南師已告捷及振旅舍爵策勲特加戶邑大中祥符三年卒

贈中書令謚壯武

石介

字守道奉符人師事孫復固窮苦學進士及第歷鄆州推官嘉州判官居憂躬耕徂徠山下葬五世之木墓者七十喪以易教授魯人號徠徠先生服除為國子監直講進慶歷聖德頌出判

濮州有  
徂徠集

石延年

字曼卿宋城人少以氣自豪遺落世事自顧不合時乃隱于酒真宗時為太子中允嘗進

備遺策不報已而西方用兵帝思其言欲召用之而延年死矣其為詩文尚勁健稱其意氣

石待問

字則善眉山人以詩賦名累官太常丞時丁謂畏其直錢易竒其文楊億李諤服其議

論

石揚休

眉山人少孤力學舉進士累官刑部員外郎知制誥仁宗朝上疏力請廣言路尊儒術防

壅蔽禁奢侈其言皆有益于國時人稱之

石禹勤

字力臣蕪湖人皇祐進士為靖安令唐介薦其能通判辰州撫諭諸蠻夷酋聽命願請為

守不報後為曾孝廉寃死御史劉摯為辨  
雪友人哭之曰命從寃獄喪言有諫臣公

### 石賡

字聲叔同安人皇祐元年進士累遷大理丞  
王安石奇其文薦之以議補歷廣西運判官

### 石鑑

邕州人舉進士皇祐間挾策干余靖以平賊功  
授大理寺丞累官至忠州刺史尋知桂州充本

路經畧  
安撫使

### 石象之

字簡夫慶厯進士任壽安尉黃巖簿義烏今  
年三十一解冠致仕子允中時年四十八丞

相文潞公而下皆賦詩餞之既歸於第之西南  
開園圃種花木與賓客工詩尤善奕棋後轉太

常丞優游二十年卒年六  
十八趙清獻公銘其墓

### 石行之

字克美幼聰穎日讀書千餘言不忘年十二  
能屬文慶厯進士調懷仁縣尉時其父通判

保州死於難而賊以窘降詔原之公徒跣詣闕  
乞誅賊書五上不報公追慕毀齋終喪不復有  
任意或謂當思所以洗先君之恥不得已繼調  
弋陽青沅二縣以父之故忽忽不樂移疾不行  
自是不調者二十年元豐朝以大理寺丞致仕  
遷奉議郎賜五品服三遠至右散郎卒年七十  
三

### 石待舉

字寶臣幼奇俊有志于學初為父渥卜兆既  
得卜術謂不利幼子諧兄疑未決君曰父得

藏身奚邨手持畚鍤以前遂葬既而第天聖進  
士補沂州軍推官尋改信州上饒縣諭民以德  
義曉吏以禮法政明刑清一邑大治天子墨詔  
褒諭之知臨安縣轉秘書丞會河陝用兵詔舉  
有守令之才者學士蔣堂以待舉應詔除通判  
保州逆卒乘間鼓譟劫庫兵為亂待舉聞難徒

步率州兵得數百人與州將劉繼宗討賊轉聞  
於市賊鋒銳不可敵州兵潰與繼宗脫身登陴  
招集潰兵謀復討之叛卒乘城繼宗死於陴中  
為手書鮪城求救於定州左右具筏請渡陴避  
之待舉曰食國家之祿死國家之事古今之常  
也爾曹欲吾苟免非臣節也翼日遇害年四十  
九

### 石牧之

字聖咨慶歷進士姿韻沉雅嗜讀書試祕書  
省校書郎補新城尉移天台今初仕已有能  
名於時王荆公知鄞縣陳古靈今仙居號江東  
三賢宰改著作佐郎九遷至朝議大夫入朝為  
越王宮太學教授最後知溫州邑民有母告子  
不稟教令者牧之訓教之遂為善良昆弟罷郡  
退居者數人相與游息山水間年七十九有遺  
書一編據理家政門人葉經叙其始末為徃生

錄又有易論解經訓傳雜  
文歌詩總七卷藏于家

石恣

字敏若禹勤孫弱不好弄書過目成誦元符登  
進士中博學宏詞科聞梁師成當事或勸恣一

見恣愀然曰腐夫弄柄恨未能手  
批竄根柢何因取富貴遂被排擯

石汝礪

英德人號碧簾子少穎悟讀書尤邃於學  
蘇軾最稱之進易學解為王荆公所抑

石昌言

年十八舉進士知宿州蘇公有送昌  
言詩曰焯焯符離守中流菰鼓旗

石純臣

玉山令不畏高明不晦細微人不敢干以私  
凡得訟牒輒以筆抹其要處故無能為奸者

石天麟

字文祥禹勤之子元豐南北門蠻事起有旨  
募勇敢之士天麟乃請行與侍禁孝資俱由

硤州入諭蠻酋以禍福由是洽懿蔣冕波五州  
相率降天麟歃血與盟資武人也見蠻酋從順

頗易內輕之多戮降者天麟力勸資毋多殺人  
拂天意恐再叛資弗聽未幾蠻復叛天麟督兵

力戰遇害年二十九

事聞詔贈宣義郎

### 石景術

字順思元豐進士調天台尉歲歉即賑餓民  
有賁酒不與奪而往酒家擊之斃令欲置其

死順思曰賁弗與從而奪之盜也安有學盜而  
入於死乎初令以順思年少易之至是屈服用

薦者移仙居令民傳有神居令解舍令避弗敢  
處順思命撤去淫像居之自若知黃巖縣事以

母年高請析資就筮庫得監越州稅不赴轉承  
議郎除尚書祠部員外郎在職踰二年非公事

不詣政府轉朝奉大夫致仕卒年六十三  
子三人公揆公操公挺孫男正問晝問

### 石景畧

字仲謨漢萬石君四十二世孫祖待舉宋祕  
丞死雲翼之難父深之台州司戶景畧治平

省試解元登進士任杭州司戶遷奉議郎贈特進配虞氏封華原郡夫人劉氏封清濂郡太夫人子彥初崇寧進士中奉大夫知衡州後景畧與弟景峻退居洪亭

### 石公弼

字國佐新昌人登進士累官左司諫大觀初為御史中丞劾蔡京章數十上京罷官至述

古殿直學士弟公揆為高宗朝御史論秦檜亦章十餘上並以剛直名

### 石悅可

自幼穎悟以英傑自許嘗論人物獨推諸葛孔明他人不許也宣和方臘寇縣悅可率鄉

兵平賊以功遷其兄久可攝刻縣陪承信郎悅可攝新昌陪通直郎

### 石嗣慶

字光遠漢萬石君四十五世孫贈開府儀同刑部尚書石城先生諱待旦之七世孫也性

沈靜端潔不妄言笑宣和進士任平江簿嚴州教授監行在諸司糧料院通判明州知江陰軍



卒于  
官

石延慶

字光錫嗣慶弟舊名襲紹興進士質性純雅襟懷磊落不羈不屑屑於物欲高宗深奇之

特賜今名任容州司理試中學官授明州教授中博學宏詞科遷諸王宮教授轉國子監丞授

朝議郎通判台州卒後以子貴贈朝議大夫

石斗文

悅可子隆興初進士任至樞密院編修雖諫官而能抗論朝政寧宗嘉獎之內外驚嘆

石恕

靖康之難金人踐躪中原恕時摠潼關變路兵馬攝南平軍事聞二帝北狩率勤王兵徑抵南

京高宗以軍事付之恕凡三守茲上甚得民情

石光

岳州通判有功德及民後寓大雲山卒民慕之立祠至今春秋致祭

石晉老

字子明晉江人政和進士倪之孫為清白吏  
晉老以先人之資產盡遜其兄居鄉教讓一

語不欺傳康稱  
為篤行君子

石礪

字商老永嘉人平居以功名自許宣和中方臘  
猖獗礪為學職與教授劉士英協謀盡滅為界

分八隅率義民以  
死守之功績最多

石公轍

字道叟景畧姪兵部尚書開國侯公弼之弟  
也紹興初特奏第一為狀元任南劍州教授

累遷至左朝奉大夫大宗正墓在蒼吞  
二子莊問建州司理英問讀書工篆隸

石邦哲

紹興初大理評事言近偽徐王李焮帝姬阿  
易之來遣使迓絡繹於道有以見陛下之親

睦既察其詳付之有司又有以知陛下之明斷  
臣聞漢光武之誅王郎雖或者疑其為成帝遺

體而猶誅之蓋惡人之惑衆而偽者莫辨也唐  
代宗之詔母后嘗曰寧被百囚冀得一真蓋懼  
人之避罪而真者莫至也李穀阿易之事已播  
告四方尚恐皇族有自冠中脫身南歸宜令州  
縣驗實許以推賞庶得其真以  
茂本支庚申詔禮部遍諜諸路

### 石昂

臨淄人好學不仕節度使符習高其行辟為臨  
淄今以公事謁監軍楊彥朗贊者以彥朗名石  
更其姓曰石昂昂曰內侍奈何以私害公昂姓  
石非右也即解官去語其子曰吾本不欲仕亂  
世果為刑  
人所辱

### 石淩

光化人任為朝散郎博通古今其詩淡泊時  
出偉麗任既不遭晚自晦田里有滄浪集

### 石安民

字惠叔臨桂人紹興間舉進士為象州判官  
決獄平恕嘗分赦廉藤有文風晚知吉陽軍

未赴而卒安民早從安晦胡寅游尤受知於張  
浚其後張孝祥榜其堂曰端文弟安行安持與

兄齊名人  
號三石

石公恕

江津人以武功大夫知威州有能名嘗作文  
刻碑戒子孫不得分異有御製八行碑刻于

世

石起宗

字似之晉江人乾道中鄭僑榜及第二紹興  
己卯雙蓮生于梁文靖讀書堂次年梁魁天

下乾道中生于貢院起宗第二慶  
元中生于學槐亭曾從龍第一

石慤

字子重會稽人乾道間知尤溪縣始至官吏以  
財匱請借民租慤不答但日治稅闕逃絕

而田入見戶及驚產而不能更其籍者正之又  
謹視其出納之際吏不得容其奸縣學校久廢

整命其友古田林用中來掌故事而增其弟子員親率佐吏賓客往臨之因為陳說聖賢修己治人之學聞者興起士始知學而民俗亦變民有犯罪具獄上府吏邀求無厭欲致之死整爭之不聽則請自對獄代民死民乃得免歲大疫多治藥餌遣醫散之村落賴以活者甚衆及代去民繪像以祠之

### 石正行

眉州人後徙居江安淳熙中登進士第力學不倦尤工于書得黃庭堅筆法自號笑齋有文曰毫芒集邑宰趙邁榜其居曰止齋

### 石宗萬

字升之石溪人淳熙進士歷池州司戶知淳安縣監行在進奏院母喪哀毀骨立邁諸王宮教授監察御史中舍性朝諫大夫兵部侍郎致仕後以待讀預修國史贈銀青光祿大夫封

會同探開國男  
食邑六百戶

石公孺

字長孺石城曾孫警悟孝友有經術高隱不仕丞相謝克家禮為國士高宗詔求遺逸使

者朱異薦其長於三傳召對稱旨命之官固辭高宗曰卿當為朕勉受一官乃授迪功郎進其所作春秋類例命藏館閣再授監南岳不久還山卒

石畫問

字叔訪父揆殿中侍御史嘗劾秦檜落職而卒畫問方十四奉其母李屏居苦學不敢出

庶科舉業秦堯上書訴冤詔復職與恩澤補將仕郎銓試第一轉修職郎知莘亭縣改宣赦郎治鄞縣為浙東諸邑最守臣丘甫以聞有詔入幹辦諸司糧料院鈞校百司廩給叅驗京師豐約所為一書所居官不苟類此累官至朝請大夫

石亞之

石城之子嘗築室讀書於鼓山景祐進士登第時年十七丰神秀整天子奇之將以高主

使卜其意辭曰父母老願奉甘旨家已別議姻王姬非敢偶也遂不强仕至太常博士以惠愛

配享吳山廟

石麟之

字南叔嘉祐進士第二任蕪湖尉調萬載令知建平軍遷秘書校書郎知靈臺辟為經制

機密再遷著作佐郎開封兵曹叅軍吳王叔授陞秘書丞錫五品服辟為南京招討遷太常博士通判壽州遷屯田員外郎召為太常丞知兗州召為祠部郎

石亘

字考名同安人嘉祐中第進士累遷司農寺幹當公事熙寧中淮浙江東餓從司農張諤出賑所至盡發府庫置場給散又募人收養遺棄小兒所全活以口計淮浙七十萬餘江東三十餘

萬有司勅不循常法與撻俱罷亘曰使事有措將以施惠于民也若以法繩之取逃罪邪終陝

西運屬嘗編漢唐名臣奏議五十卷文集十卷

金石

字子美登進士第一累遷吏部侍郎世宗舊聞其名擢左諫議大夫奉命詳定制度上疏六事

大槩言正紀綱明賞罰近忠直遠邪佞者不急之務罷無名之役上嘉納之遷吏部尚書進拜

左丞兼太子少師嘗請命太子習政事或諧其希恩東宮上以語琚對曰臣愚備位執政兼任

師保以太子天下之本當使知民事非希恩也拜平章政事封莘國公卒謚文憲配享世宗廟

庭

元石麟

順州人好學不倦習諸國書語初事太宗為斷事官佐邪律楚材釐政庶務憲宗時遣使



海郡被拘二十八年始得還世祖加以官以奉使無狀回辭後累官平章事卒年九十二追封

冀國公諡忠宣子珪官至南臺

御史中丞次子懷都刑部尚書

### 石普

字元周徐州人至正中進士授國史院編修後以軍功陞樞密院都事時張士誠據高郵普請

先驅為天下忠義倡乃趨高郵勒兵與賊左脅為賊鎗所中猶手握其鎗斫殺數人眾攢鎗以

刺普力戰死之

### 石明三

餘姚人家貧喪父獨與母居一日以事出母為虎害明三歸恸哭持斧求虎殺之凡殺五

虎明三亦死僵立不仆張目如生所執斧牢不可拔

### 石永壽

新昌人性淳厚事親孝元末兵亂其父闕孫年老被執兵欲殺之永壽急抱父請代兵遂

殺永壽其父獲  
免鄉人哀之

石天應

字興中保德人善騎射豪爽不羈穆呼哩授  
以興中府尹從南征臨機應變捷出如神以

功累遷兵馬都元帥屯河中  
金兵來攻天應力戰死之

石揮祖

字光遠惇愨凝懿事親謹慎晨夕必鞠躬問  
起居承候顏色不命之去不敢去得一嘉味

必薦上之然後食人稱其能孝佐兄明遠治家  
政尺帛斗粟皆有文可覆毫髮不入私房有司  
之科徭身獨任之雖拂風沐雨未嘗少厭苦且  
曰無以煩吾兄也人稱其能友癸巳歲大饑問  
井間出羨餘粟賙之人稱其能惠遺世多故不  
復慕仕迨晚歲盤旋烟霞泉石中發為聲詩意  
趣極沖淡如與世相忘者若飭厲子弟以學則  
甚惓惓初不以喪亂自廢也年五十至正甲辰

卒宋源  
銘其墓

明石溫

江津人法武中領鄉薦推陝西鳳翔府  
同知才能著聞尋陞交趾布政司參議

石光霄

泰州人字仲濂少習春秋辟為國子博士善  
屬文詞長於吟咏為國初時學者所宗與劉

三吾宋景濂  
游極相友善

石璞

字仲玉陝州人好讀書不事華靡以吟咏自娛  
樂洪武間以節孝薦授教職後陞戶部侍郎

石驥

字天騏濮陽人洪武初知松陽縣明敏果斷吏  
民不敢欺凡有賦役務稽其實民皆服其均平

為立政  
績碑

石彥成

南昌人洪武進士為徐聞知縣興學校重  
農桑毀淫祠罷橫放作興學校啟發士類

石允常

寧海人  
武進士  
洪

石執中

蘭溪人  
長身美髯  
永樂中為刑部主事  
獄平允累官山東右布政使  
直而不率勤而能

慎後官至浙江布政使  
以老致仕卒

石瑁

字信之  
應州人  
宣德癸丑進士  
歷戶部尚書

石澄

字士廉  
習春秋  
中景泰庚午鄉試  
登天順丁丑進士  
除刑科給事中  
一日因讀疏章詞氣侃侃

英廟喜之  
寵眷日隆  
嘗以右給事中呼之  
壬午春劾奸臣不執事  
稱旨意命籍其名于屏  
几陸

本科右給事中  
總六科事  
成化甲午陸鴻臚寺右少卿  
憲廟亦眷之  
後乞歸省賜以道里費且

命亟來  
供職

石玠

字邦秀，葉城人。與弟瑤同登成化丁未進士。歷戶部尚書，有文名。

石瑤

字邦考，玠弟。成化丁未進士。改庶吉士，授檢討。仕至少保、少保、少保。改文毅。瑤清修無玷，毀譽不

隆慶改元，贈少保。改文毅。瑤清修無玷，毀譽不

石璞

臨漳人。初為監察御史，歷任山西布政使。剛介

有治才，其妻預諸僚內，燕歸愠曰：「彼多金珠綺

采，吾布裙襖甚不稱。」布政妻也。璞曰：「汝何坐曰

席首曰：「使吾墨于憲汝安得居此座？」且吾素不

以妻子故，官彼金珠綺采者，後欲居汝席得乎？

石璟

守險以忠勤見稱於上。進太子太保，改兵部尚書致仕。歸無宅，第人服其清。

字廷用，臨淮人。成化辛卯舉人。器局峻整，識見高明，以明經成就。後學未任，卒。僉事柳瑛誅之。

曰孝弟通於神明志誠貫於金石其見重于人若此

石大用

薊州人國子生上書代李文忠荷械任至戶部主事

石玉

藁城人成化末歷山西僉事副使按察使發奸擿伏人稱明疑獄數言而決全活者衆

石簡

字廉伯寧海人正德進士知高州府居官廉靜嚴毅人莫敢干以私官至巡撫雲南副都御史

石琚

字仲方益都人賦性質慤喜施予篤學不倦至志寢食六經子史靡不考索歸宿游黌校屢試

第一登嘉靖間魁業成均涇野呂公校之擢居第一曰狀元才也時新崇志堂遂屬代筆為記

錫石太學都下從游者甚衆至今科第不絕所著有六子要左氏叙畧藏于家

石永

字壽卿威縣人嘉靖壬辰進士歷兵部侍郎

石遷高

字謙夫，息縣人。嘉靖已丑進士，歷都御史。

石茂華

字崇質，益都人。嘉靖甲辰進士，歷三邊總督，兵部右侍郎，兼右副都御史。

嘉靖已未進士石星，字拱辰，東明人。隆慶中任給事中，以言事杖歸，萬曆初起官太僕寺卿，尋告病。

白

南陽商音黃帝之後，秦大夫白乙丙，楚有白公勝。楚平王太子建之子也。

周

白起，鄢人，善用兵。秦昭王用為左庶長，戰勝攻取凡七十餘城，後封武安君。

白乙丙

秦將

白善

春秋時白公勝之族，為楚將，家澧陽。白公欲亂國，召之善曰：「從子而亂其國，則不義於君，背子。」

白圭

而發其私則不仁於拔遂棄其祿築圃灌園以終其身楚人因名其圃曰白善將軍藥圃周人也樂觀時變曰人棄我取人取我與吾治生猶伊呂之治國孫吳之用兵故曰治生祖白

圭

漢白生

魯人為楚元王中大夫使傳其孫戊戊不好學穆生去生念先王之德獨留

白奇

博士從夏侯勝問論語

白沛

蘭陵人與同郡翟況同受孟喜易

唐白行簡

字知退貞元末登進士第授祕書省校書郎元和四年盧垣鎮東蜀辟為掌書記府罷歸

海陽居易授江州司馬從兄之郡十五年居易入朝為尚書郎行簡亦授左拾遺累遷司門員



外郎主客郎中長慶末振武奏水運營田使賀拔志言營田數過實詔令行簡按覆之不實志

弘自刺死行簡實歷二年冬病卒有文集一十卷行簡文筆有凡風詞賦尤稱精密文士皆師

法之居易友愛過人兄弟相待如賓客行簡子龜兒多自教習以至成名當時友悌無以比焉

### 白履忠

陳留浚儀人博涉文史嘗隱居于古大梁城時人號為梁邱子景雲中徵拜校書郎尋棄

官去開元十七年刑部尚書王志愔表薦履忠隱居讀書貞苦守操有古人之風堪代褚無量

馬懷素入閣侍讀十七年國子祭酒楊場又表薦履忠堪為學官乃徵赴京師及至履忠辭以

老病不任職事所著有三闕精辨論一卷註老子及黃庭內經有文集十卷

### 白居易

字樂天其先太原人後徙華州下邳居易生于大厯七年壬子七月辰書九歲暗識聲律

敏悟絕人貞元十四年擢進士第元和對策為翰林學士因事貶江州司馬遷左拾遺徙忠州刺史入為司門員外郎以主客郎中知制誥長慶中自中書舍人出為杭州刺史會昌初以刑部尚書致仕卒年七十五贈右僕射謚曰文與元稹友善相倡世號元白體有白氏長慶集七十五卷

子龜年

白孝德

子儀將邠寧節度使

白敏中

居易從弟長慶初進士武宗時召為學士承旨宣宗立拜相懿宗時加中書令咸通中致仕

白聳

馬平人仕為義勝都將光啓中寇入郡境盡驅其民掠其財帛聳率所部敗賊奪而歸之耶人

為之  
立祠

宋  
白重贊

樓煩人有武勇初仕漢領端州刺史周時從征太原淮南以功遷至檢校太尉開寶初以

左千牛衛上  
將軍奉朝請

白守素

開封人父廷訓為博州刺史守素以蔭補官累官鎮州鈐轄王繼忠陷契丹守素據橋有

矢數百每發必中敵不敢近遂引去居  
邊歲久契丹畏之仕終合州團練使

白季康

太原人嘗令漂水以誠信化人不高  
威嚴而性清介不取邑人至今思之

白玉蟾

瓊州人嘗與黎母山中遇神仙授洞玄雷法  
後居武夷山嘗自讚云千古蓬頭跣足一生

服氣餐霞笑指武夷山下白雲深處吾家嘉定  
中詔徵赴闕對御稱旨命館太乙宮一日不知

所往後往來名山神異莫測詔封紫清明道真人

白時中

字蒙亨壽春人登進士第累官吏部侍郎坐事降知鄆州復召用政和六年拜尚書右丞

中書門下侍郎宣和六年加特進太宰封崇國公

白諤

紹興間為右武大夫白金從太后歸宣言洪皓名聞華夷而不見用秦檜奏繫諤大理寺諤客

張伯麟題太學壁譏訕乃沅諤萬安軍伯麟吉陽軍

元白景亮

字明甫南陽人明法律善書算累官台州路總管所均徭役興學校儒風大振搢紳稱頌

馬性廉介勤苦自奉甚薄妻尤儉約惟以脫粟對飯部使者上其事特詔褒美賜以宮錦

白珽

字廷玉錢塘人博綜經史詩文一主于理紫易方回劉辰翁稱其詩逼陶韋書逼顏柳仕至儒

學副提舉所著有  
湛源集行于世

明  
白天民

鉛山人洪武初以明經為邑庠生為訓導教  
人有方御史葉孟方薦之曰學精德邁智慮

過人才堪用召至京師授  
肇慶府知府有政績著聞

白思謙

東昌人洪武二十九年鄉試授工部主事有  
隆譽擢廣西右參政益以清白持身擢山西

右布政使奉教賑濟活人數萬所至父老環擁  
馬首曰此吾父母此吾再生人也孫瑩正統進

士授戶科給  
事中最知名

白叔敏

洪武十八年知潮州興學校課農桑持身清  
白人不取干以私時潮多絕戶荒田稅糧令

民賦納至鬻子女不能給  
敏奏除之至今人懷其德

白範

字以中學行為世所推重膺薦典教勲戚家動

有典刑諸子弟遵其教習服清素革統袴淫靡之習擢青州府同知政以寬簡而治卒于官有詩文傳于世

白瑜

字楚英武進人永樂中鈞州判官廉勤有為均平賦役凡利于民者即興之妨于衆者即去之

恤其饑寒惟恐一民不得其所秩滿民不忍其去保留復任始終無異

白圭

字宗玉南宮人正統壬戌進士授御史歷陟都御史巡視湖廣入為兵部尚書加太子太保歷

官中外數從軍旅累有成效而荆襄之功為最謚恭敏

白侃

字廷直平定人景泰甲戌進士歷副使

白昂

字廷儀武進人性謙厚天順丁丑進士擢禮科給事中嘗因災異上謹命今以全大信六事僉

內臺巡江治河有功入司風紀歷掌邦刑  
有平恕老成之譽致仕卒謚康敏子圻

白圻

字輔之昂子成化甲辰進士歷都御史

白金

字士珍武進人成化癸丑進士歷參政

白思明

字睿之平定人由進士知嘉定縣持身廉謹政務寬平邑有巨盜劫掠海上脅傳者衆思

明以計擒之遠近帖然先是瀕海之地一夕大風海水騰湧人畜多溺死者為諸于官發民築土成隄凡百五十里水患隨息累官大理寺少卿

白坦

字易之武進人成化壬辰進士歷員外

白行順

字致和陝西清澗人成化間知濟南府訪求治原緩刑罰興學校救民耕種招撫汎散賑

恤窮獨尋陞山西叅政士民遮留巡撫上其事  
欲如借寇故事不報民為之立碑歷都御史

白鸞

字孟禽寶雞人成化  
丁未進士任御史

白鉞

字秉德圭子成化甲辰進士  
第二歷禮部尚書謚文裕

白玠

字宗璞武進人成化  
己丑進士歷尚寶卿

白坪

字良甫南宮人正德  
丁丑進士歷知府

白鎰

字應衡定州人正德  
辛巳進士歷僉事

白悅

字貞夫武進人嘉靖壬辰進士歷尚寶卿  
子啓常字伯倫庚戌進士歷光祿少卿

白賁

字亨甫漳州人嘉靖  
己丑進士任御史



白璧

字石仲河間人嘉靖辛丑進士歷叅政

易

音亦太原徵音齊大夫易牙之後即雍巫也善知味又望出濟陽今江東多此姓

周

易愷

魏人

晉易雄

字興長瀏陽人少為縣吏念無由自達乃脫幘掛縣門而去後舉孝廉為州主簿張昌之亂執

太守萬嗣將斬之雄與賊爭論曲直賊乃舍去雄為春陵令會王敦叛雄首奮忠義起兵討之力屈城陷為魏人所擄送到武昌抗詞不屈敦殺之

南  
北  
易愷

魏郡人雍州刺史

易雍

長沙人晉陵今

唐 易重

字鼎臣會昌間張濱榜第二翰林再考張被黜升重為第一詩云六年雁序忍分離詔下今朝

遇已知上國風光初曉日御堦恩渥暮春時內庭再考稱文異聖旨宣名獎意奇故里仙才若相問一年攀折兩重枝官至大理評事著文千餘篇游宦筠之上高生子齊任南唐為雄州刺

史降周

子延慶

五代 易延慶

字餘慶上高人父齊南唐雄州刺史延慶涉獵經史仕周世宗以大理丞出知臨清縣開

寶間父喪棄官廬墓產紫芝玉芝州將表其事延慶懇辭母歿復廬墓母平生嗜栗樹二栗樹於墓側二樹連理時稱純孝先生子給大中祥符初進士

宋 易言

字應之少任俠有口材真宗朝覆水蠻寇宜州邊帥不能制募辨士往說之言應召單騎而往

苗長迎之喜待之甚恭後竟歸順休兵言書永和二字於木填之以金因廣西帥遣使入貢真宗嘉之賜以官言任氣居官不能久後元昊擾邊近臣多薦言可任上見其老不欲遣行但令赴流內銓注樞府司戶叅軍嘗著排姦黨說極論崇寧人材之弊

### 易祓

字彥輝寧鄉人淳熙中釋褐為翰林學士累官禮部尚書退閒三十年號山齋居士著書自娛有周禮周易總義易學舉隅禹貢疆理記漢南北軍制周禮釋疑等書

### 易著明

字晦之宜春人博學精於聲律累被鄉薦時人為之語曰宜春易著明擲地作金聲與石曼卿延年為詩友太常少卿張羣贈之詩有之子宜揚秀文章甲輩流之句天禧二年賜三班奉職終于左班殿直

易充

字正翁分宜人唐狀元重之後幼聰敏拔羣年十六七博通易書詩說三經處士教授鄉閭遠

近從學者甚衆所

著有中洲文集

易青

惠州人為都督行府推鋒軍効用經畧使連南夫與統制韓京會于惠州督諸兵討廣賊曾哀募死士夜劫哀營而青被執賊伴呼曰汝大軍為我所擒者甚衆青大呼曰勿信所擒者我耳賊又言我不汝殺第令經畧持黃榜來招安青又呼曰勿聽任賊殺我我唯以一死報國賊怒焚之青死罵不絕口事聞贈保義郎為薦祭

易準

易林

易東

俱登科

元易炳文

襄陽人元末隨父友旺徙居沔陽父喪炳文廬墓六年哀慕終身時人慕之多遣子弟從

之游鄉人稱易孝子居前有池產蓮一蒂二花人以爲孝所感

明

易紹宗

攸縣人初從太祖高皇帝北伐屢立戰功授象山縣錢倉所千戶洪武三十四年倭賊登

劫湯畧家砌紹宗遂大書于壁曰設將禦敵設軍衛民縱敵不忠棄民不仁不忠不仁何以爲臣不職何以爲人書畢命妻李氏具牲酒生奠之與訣而出乃密令游兵從間道焚其舟賊驚還救紹宗率所部直前格戰殺賊無算追擊至海岸淖深馬陷賊回攻之捕手刃數十賊遂死焉其妻攜孤赴奏諭  
奠賜祭勒碑以旌之

易英

字以和湖廣澧人洪武末為浙江布政司叅政政尚寬平明于大體獎勵儒生務期成效尤嗜

詩書公務之暇

手不釋卷

易思

字景善夷陵人洪武中由經明行修任本州學正尋陞懷柔縣丞以捕巨賊活饑民功陞知縣

有遺愛於民子

源以文業顯

易節

字時中萬載人永樂中進士擢行人歷官郎署才能著稱累陞貴州左布政使有惠政夷人化

服卒

于官

易先

湘陰人永樂初由太學生高等選授交趾諒山知府平易之政足以得民進交趾按察使乃治

諒山宣德初交趾叛賊攻城先奮志不回嬰城

固守糧盡闔家同死事聞遣官諭祭追贈廣西

右叅政

易綱

字正道，衡陽舉人。持身廉潔，莅政寬和，散利薄。征緩刑，弛役有古。循吏之風，民愛之如父母。馬

易倫

益陽人，少有大志，宣德以乙榜，授宜龍，召入為御史，獨立敢言，忤時權，謫教宜川，學尚書，江淵

稱其後學而模範循循云

易舒誥

字欽之，攸人。進士，改庶吉士，授檢討，詞翰為時所重。逆瑾怙威，人皆爭附之。舒誥不屈，遂

改戶部主事，瑾敗，復入翰林，聲譽日起。天下印然有公輔之望，以親老歸，居十四年，杜門却軌

娛親之餘，所著詩尤精于律

易鶚

固始人，成化進士

易鸞

分宜人正德進士

易贊

字廷用臨汾人正德辛未進士歷官右副都御史

易直

字子順宜春人少讀小學及朱氏家禮即躬行不倦父廷選故端肅諸子少違軌叱怒直跪伏

終日不命之不起父疾直嘗糞苦尋愈及再疾以糞味甘為憂父竟卒嘗遇急寇至抱母哀慟不離賊舍之去母歿盧于墓三年服闋例應貢直傷祠宸無所主上書求解諸生籍提學副使唐錦察直懇誠許之於是結廬場崖之山讀書自得嘉靖初元今有司舉行義者以聞詔旌直

孝行之門

易元貞

字正之桂林人嘉靖己酉自崇陽今調平縣清介自持遇事不苟尤恤孤弱禁彊禦暇日



延諸生論道談文當道交章薦之報至公卒行  
李蕭然無餘貲斂葬皆出于士民遐邇哀恻城  
之人為其喪而罷市送之雖崇  
之士民亦送至平江泣弔云

易寬

字栗夫安福人嘉靖乙未進士歷提學副使

易道

字進明巴陵人嘉靖癸丑進士歷知府

嘉靖乙丑進士易可

父分宜縣人歷郎中

翟

音宅南陽徵音黃帝之後代居翟以地為氏

周翟璜

下邳人魏文侯與士大夫坐問曰寡人何如君也皆曰君仁君也翟璜曰君非仁君也文侯怒問任座對曰仁君也曰子何以言之對曰臣聞之其君仁者其臣直向璜之言是以知也文侯曰善復召璜為上卿

程景

戰國時天下合從締交之士

漢程公

下邳人文帝時為廷尉賓客填門及罷門外可設雀羅後復用賓客欲往公大署其門曰一死

一生乃知交情一貧一富乃知交態一貴一賤交情乃見

程方進

字子威上蔡人以射策甲科為郎累遷丞相司直舉劾旬歲間免兩司隸朝廷憚之永始

中拜相以儒雅緣飾吏事號通明相封高陵侯子義元始中為東郡太守王莽篡弑義起兵討之

程醜

字子超廣漢雒人四世傳詩醜好老子尤善國緯天文歷算徵拜議郎遷侍中安帝時閭顯等

並用威權醜上疏切諫不省出為酒泉太守擊斬叛羌威名大振順帝即位遷將作大匠屢因

災異多所匡正  
以權貴誣罷歸

程義

字文仲為東郡太守王莽居攝義乃謂陳豐曰  
新都侯攝天子位故揮宗室幼稚者以為孺子  
依托周公輔成王之義且以觀望必代漢家方  
今天下衰弱外無強藩天下頽首服從莫能亢  
扞國難吾幸得備宰相子身守大郡受漢厚恩  
義當為國討賊以安社稷欲舉兵西誅不當攝  
者

程牧

蘭陵人有子曰況與同郡白沛同受孟喜  
易仕漢為博士由是易有程孟白之學

晉  
程湯

字道保潯陽人篤行廉潔耕而後食永嘉中寇  
害相繼聞湯名德皆不敢犯王導庾亮交薦不  
起子莊以孝友稱徵辟亦不就莊子矯  
矯子法賜皆有隱德時稱潯陽四隱

翟超

山陽太守

翟莊

陽之子字祖休少以孝友著名道湯之操不交人物耕而後食語不及俗惟以釣戈為事及長

不復獵或問漁獵同是害生之事而先生止去其一何哉莊曰獵自我釣自物未能頓盡故先節其甚者且夫貪餌吞鈎豈我哉豈我哉時人為知言晚節亦不復釣端居華門歎技飲水州府禮命及公車徵並不就年五十六卒

北高翟法賜

潁陽柴桑人曾祖湯祖莊父矯並高尚不仕

親後便不復還家不食五穀以獸皮及草為衣雖鄉親中表莫得見焉州辟主簿舉秀才徵著作佐郎並不就後其家人至石室尋求因復遠徙違避徵辟遁跡幽深潁陽太守鄧文子表曰

奉詔書徵郡民新除著作佐郎南陽翟法賜補  
散騎侍郎法賜隱跡廬山于今四世棲身幽巖  
人罕見者如當逼以王憲束以嚴科驅山獵草  
以期禽獲必至頗須有傷盛化乃止後卒于巖  
石之間不

知年月

隋  
翟普林

楚邱人事親以孝聞躬耕色養不應州郡辟  
命鄉里謂為楚邱先生後父母疾親易燥濕

不解衣者七旬大業初父母俱終哀毀殆將滅  
性廬于墓側負土成墳盛冬不衣繒絮惟着單  
縑而已家有烏犬隨其在墓若普林哀臨犬亦  
悲號見者嗟異有二雀巢其廬前柏樹馴狎無  
所驚懼司隸巡察奏  
其孝感擢為孝陽令

翟光業

事繼母以孝聞不殖財產假官舍以居蕭然  
侄蔽風雨日與賓客飲酒聚書為樂仕後周

為樞密使

翟乾祐

有道術以考召著名雲安一邑江沅之險十有五處一日召其灘神使平之至者十四最

後至乃一女人曰沿江小民藉江沅之險為人挽負以資生豈可平也於是命灘神悉復其險

唐 翟璋

陝州刺史

五代 翟道宗

字晉州為賊所陷不屈被殺

翟光鄴

字伯基鄆城人武定刺史

宋 翟守素

濟州人父溥晉左司禦府率守素任周歷供奉官入宋累官劍南十州都巡檢使太宗時

為天雄軍兵馬鈐轄知大名府歷內職五十餘年性謹慎寬仁容眾所著有治績

翟守珣

太祖時為李重進親吏重進為中書令移鎮青州謀舉兵叛遣守珣往潞陰結李筠守素

識太祖往還京師潛詣樞密承旨李處耘求見太祖問曰我欲賜重進錢券彼信我乎守珣曰

重進終無歸順之志太祖厚賜守珣

翟興

字公祥伊陽人徽宗時與弟進應募擊敵號大翟小翟以保護陵寢功累官京西按撫等使兼

知河南府紹興中劉豫將遷汴陰遣人殺興事聞贈保信軍節度使興為將多勇畧軍食或不繼激以忠義無不奮勵在河南金人不敢犯諸陵子琮沉勇有父風繼興為鎮撫使

翟進

興弟累以戰功進西京北路制置使兼知河南府會巨寇楊進擁兵數萬殘害汝洛關兵犯

進追之而賊四若馬驚墜整為所害贈忠州刺史官其後五人

翟汝文

字公葵丹陽人舉進士紹興初累官翰林學士叅知政事與秦檜不和罷去汝文風度魁

楚好博古雅精

篆隸有文集

翟亨

歸善人孝子  
給邦人呼為翟夫子

明 翟益

洪武中任平原縣丞廉聲大著  
尋陞按察司僉事持法平公

翟溥

字開東莞人永樂進士任知青陽縣尋陞  
知府咸有惠政修白鹿洞講明經籍民知慕

學為江西第一郡守致仕去居官三十餘年  
廉明剛正始終不二家事蕭然清貧自甘

翟整

永樂初知南京應天府修舉廢墜孜孜不輟為  
政務寬平厚德民服秩滿邑不釋復留之尋致

仕



翟敬

字致恭大興人正統壬戌進士歷太僕寺卿

翟亨

九路衛指揮僉事正統中以征蒙顧及麓川功累遷指揮使後復征麓川偕其弟戰死朝廷遣

官諭祭之

翟瑄

字廷瑞洛陽人天順甲申進士歷尚書

翟鑾

字仲鳴錦衣籍西鄉人弘治乙丑進士改庶吉士歷武英殿大學士吏部尚書甲辰以子中式

罷乙巳詔復冠帶隆慶初復職謚文懿有應制詞翰林院文集若干卷藏于家

翟鵬

字志南武定人正德乙未進士歷官都御史嘉靖庚子起鵬于家

處軍務駐大同有經濟才畧閣不通脂遺有前輩大臣風節

柄臣惡之北兵退据撫細故閑住明年敵又至  
諸大臣益畏懼莫肯出火同復起鵬提督如故  
以防禦功歷陞兵部尚書甲辰兵部議掣防秋  
兵太早敵直犯紫荆上大怒速鵬詔獄謫戍邊  
行至河西務借宿民家不納告關關主事主  
事隄民家留鵬宿民家告之東廠以聞復逮鵬  
疾死錦  
衣獄

翟唐

字克夫關人第進士為御史以敢諫有聲正  
德十年莅廣州甫下車即條布教令以表正風  
俗為先務文廟丁祭始用關士樂歌崇鄉飲禮  
治舉其人其初政可槩見若此性嚴毅不撓于  
豪猾一無所假時市舶大監梁瑄執法擾民逆  
舉憲典束持之因而奏計瑄納路其黨遣禁校  
逮捕馬百姓奔走哭泣如喪考妣  
遮道留之乃得左遷嵩明縣

程璜  
字廷獻  
昌邑人  
正德甲戌  
進士  
歷兵部侍郎

萬姓統譜卷一百二十一

欽定四庫全書

萬姓統譜卷一百二十二 明 凌迪知 撰

入聲

十一陌

席

安定商音晉大夫蔣談之祖伯僚司晉典籍因氏裔  
係環避項羽名改為席

唐虞席老師

襄陵人姓席氏其名未聞即古之席公以播  
種耕稼為事每擊壤而歌於路曰耕而食鑿

而飲出而作入而息帝力於我何  
有焉堯聞而嘉之尊為老師云

漢席廣

議郎經明行脩  
陰興薦光祿勳

南席法友

安定人仕魏為豫州刺史封苞信縣伯宣武末刺濟州以廉和著稱終光祿大夫謚曰襄

席闡文

安定臨涇人幼孤喜涉獵書史仕南齊為雍州刺史梁武帝時除都官尚書出為東陽守

在郡有能名冬至悉放獄囚依期而至改封湘西侯卒謚曰威

席固

字子堅為襄陽著姓歸魏持節為驃騎將軍

席希秀

櫻辨林三卷

唐席豫

字建侯舉賢良方正開元中韓休舉以自代拜吏部尚書典選六年時以為知人號席公帝登

朝元閣賦詩羣臣屬和帝以豫詩最工詔曰詩人冠冕也

宋席旦

字晉仲河南人七歲能詩元豐中舉進士未奏名上書言戰守事神宗嘉納令廷試賜第累官

吏部侍郎顯謨閣直學士兩知成都府  
甚有治理加至迷古殿大學士子益

席益

紹興中為四川制置薦  
人任縣令者十三員

席平

秘書監

席汝言

字君從元豐五年以尚書司封郎中致仕與  
文富諸公為者英會又與潞公程均司馬旦

為同甲會又與司馬公兄弟王安之王不疑楚  
王叔等為真率會司馬公詩云七人五百有餘  
歲同醉花前今古稀走馬鬪  
雞非我事紆衣絲髮且相輝

席蒂

汴人嘉定間由進士知儀隴縣  
海政嚴明興學勸農邑人頌之

席子擇

遭喪黃山谷憐其貧糾同志助之曰富者不  
仁理難與語仁者不富事難獨成百足之虫

至死不僵願與諸君同力拯之

席世雅

廣州推官

元席巨川

至正間同知南陽府事時王師討叛寇委巨川泣言不可殺降帥悟賴以活者千數民為

立碑頌德

明席恭

應天人洪武進士

席勤學

邠州人成化進士

席書

字文同遂寧人弘治庚戌進士授刺城知縣累遷兵部右侍郎以議大禮陞禮部尚書加少保

武英殿大學士卒贈太傅謚文襄書為主事已具綜理之才歷官巡撫貪官豪民搏擊無遺風



裁凜然文章卓然可稱服御儉約不逐時好近世之名卿也

席春

字仁同文襄公弟正德丁丑進士歷翰林學士吏部右侍郎

席彖

字材同書之弟任給事中以極諫謫夷陵鑿井城中民便之不久卒於官今上登極贈光祿少

卿遂寧人物當以彖為首稱

席大賓

雲南人嘉靖進士

席上珍

汜縣人嘉靖進士

卻濟陰商音晉大夫卻文生豹豹生芮芮生缺又望出

周卻芮

姬姓獻公時為大夫食邑於冀謂之冀芮輔公子夷吾獻公卒芮因齊秦之師納夷吾於晉是

為惠公

卻缺

晉大夫芮之子稱於冀其妻媿之敬相待如賓  
白季使過冀見之與之歸言諸文公曰敬德之  
聚也能敬必有德德以治民君請用之文公用  
為下軍大夫復與之冀為采邑因以為氏稱冀

缺云子克克子  
錡世為晉卿

卻毅

行唐人晉文公蒐於被廬作三軍謀元帥趙衰  
曰毅可公曰何以知其可也衰曰毅說禮樂而  
敦詩書必知御兵之道公乃  
使毅將中軍使卻湊佐之

卻犇

缺從子景公時為大夫食邑於襄陵與卻至卻  
錡並稱三卻至有才辯為使有禮謀事有智臨  
戎有文

郤克

缺之子謚獻魯成公二年為魯伐齊凱旋成公賜之先路三命之服

郤至

晉卿為溫大夫與周爭郟田曰溫吾故也不可失

郤錡

晉卿

漢郤璜

侍中

郤儉

潁川人能辟穀

郤仲

信博士著春秋圖緯

三郤正

字令先偃師人祖儉靈帝末益州刺史正安貧好學弱冠能屬文仕蜀漢為祕書帝禪遷洛陽

惟正及殿中督張道從侍晉以為巴西太守其所著述詩賦論將百篇

郤詵

字廣基博學多才瑰偉倜儻不拘細行對晉武帝曰臣舉賢良對策第猶桂林一枝崑山片玉

為右丞遷

雍州刺史

明  
郤忠

行唐人洪武進士知臨漳縣值歲荒民生男女慮不能育皆棄之忠出禁令以已俸給與獲生

者甚衆在任決獄無滯

因圖恒空民咸德之

郤祥

行唐人廣子有孝行為博野令未任即馳歸省其父父病則親嘗湯藥日夜憂惶求以身代及

卒哀毀過節因卒於

塋有孝行碑在焉

郤永

祥裔孫才識穎敏有剛毅之操始仕遊擊將軍勦寇所至克捷累功左軍都督府都督永自檢

以禮不附權要嘉靖中充遠

東總兵官為國朝之名將云

籍 廣平商音出於伯氏司晉之典籍以官為氏

周籍談之

晉大夫文公使荀隆  
葬穆后談之為介

籍秦

晉上軍  
司馬

漢籍裡

諫議  
大夫

籍福

田蚡使福請灌嬰城南田嬰大望曰老僕雖棄  
將軍雖貴寧可以勢相奪乎灌夫亦罵福福惡

兩人有隙乃  
謾好謝蚡

籍武

漢掖庭  
獄丞

籍順

郎中有文  
集十卷

三籍韋

上郡太守

南籍罷

侍中

籍知幾

太常博士

明籍賢

洪洞人永樂中任寶應縣丞

籍貫

內黃人舉人正統中茶陵知州

籍甚

魏縣人舉人嘉靖中徽州府通判

籍一科

太谷人嘉靖舉人任知縣

柏魏郡商音風俗通古柏皇氏之後又望出濟陰

古柏招顛頊

柏同帝譽

周柏罔太僕

柏翳孝王曰翳為舜主畜多息故有上賜姓贏

漢柏英大鴻臚

柏直高祖問魏大將誰曰柏直曰是能當我韓信

唐柏良器字公亮魏州人父友王與見之曰爾額文似臨淮王面黑子似顏平原殆能立功乃薦之

李光弼年二十四更戰陣六十二季希烈圍寧陵良器以救兵至擇善射者沿汴渠夜入及旦

伏弩發賊乘城者皆死錄功  
封平原郡王圖形凌煙閣

柏貞節

大歷中鎮夔州杜甫詩云  
柏公鎮夔門滯霖茲一掃

柏耆

良器子有縱橫學王承宗叛者謁裴度且言願  
得天子一節掉舌下之乃以左拾遺往既至以

大詔動承宗乃請獻二州以二子入質由是  
聲震一時太和初李同捷反者斬其首以獻

柏良

開元中學士杜甫題其山居云山居精典籍  
文雅涉風騷又云筆架沾牕雨書籤映隙燠

明

柏兼善

高郵人洪武中以人材任戶部  
主事子規以人材任武選郎中

柏士榮

洪武十三年  
任太僕寺丞

柏齡

高郵人洪  
武進士



柏梁

江西人永樂舉人

柏通

太平人景泰舉人

柏英

江都人延安衛指揮使秉性孝友父卒哀痛幾絕廬墓三年感孤兒為侶有司以聞

柏永

賀縣人天順舉人任訓導

柏清

宜山人成化舉人

柏昂

錢塘人成化舉人

柏嘉綱

閩人弘治中貢士

嘉靖中四川長岡知縣柏冲霄閩縣人  
萬歷間浙江遂安縣知縣柏岡人

伯晉大夫荀林父之後父關

以王字為氏

又云魯伯禽之後關

周伯瑕晉人世為關官關

伯鄭鑄刑書知  
彌年號景伯嘗責

宋不輸粟關城成

周又責來不受功

伯虔魯人孔門弟子儒行著

稱後世進封沐陽侯

伯宗晉大夫好直言每朝其妻必戒之後果以直

言及禍成十五梁山崩晉侯以傳召謀之

伯州犁宗之子奔楚為大夫鄭因為高下

之手襄二十六年子鉅為吳太宰

伯牙善琴

漢伯有初

伯嘉

俱見  
印藪

伯柳

并州  
刺史

宋

伯湘

嘉定  
進士

元

伯都

延祐初甘肅行省平章政事時米價騰貴陸軌一石費二百緡乃為經畫計所省至四百餘萬

緡自是諸倉充溢歲饑則發粟賑之春  
缺種則貸之於是兵饑既足民食亦給

伯顏

濮陽人一名師聖以隱士徵為翰林待制辭歸  
復起為江西廉訪僉事以病免歸從學者至千

餘人其學專事講解而務真知實踐後遇  
亂不屈與妻子俱死贈事議大夫謚文節

明

伯希益

河南延津人正德  
中鴻臚寺鳴贊

伯玉 廬州衛

千戶

萬曆間江西永豐縣丞伯從周潤靖人  
萬曆中直隸宿州衛指揮伯効忠蒲州人  
四川忠州有伯氏

赫 胥氏之後

明

萬曆甲戌進士赫瀛直隸  
濟縣人任蘇州府推官

麥 高要始興有此姓今望出汝南

隋 麥鐵杖

保昌人驍勇有力日行五百里走及奔馬場  
帝時進為柱國轉汝南太守明習法令羣盜

屏息連東之役没于難謚武烈子孟才果烈有  
父風帝以其父死節授光祿大夫武贲郎將

宋 麥致遠 廣州人  
登科

麥涉 禮部侍郎

麥奮雷 東莞人 知南恩州

元 麥文貴 保昌人 鐵杖之後 任為集賢學士 修遠金史 三史

麥宗 通安州 穆蘇人生 七歲不學 而識文字 及長 旁通吐蕃白蠻諸家之書

麥良 通安州 穆蘇人 古乍二十三世 孫憲宗南征 麥良內附中統 初以為察罕章管民官 至元中其

子麥兀 襲職

明 麥志德 連山人 洪武初 以孝悌力田 舉上奇 其謀畧 拜工部尚書

麥聚

廣西人永樂進士

麥成

順德人正德中任安鄉典史有方力嘉靖元年  
流賊掠鼎江口成父子集民兵往禦之其妻固

止之成不聽比戰馬躓賊叢架刺之  
猶徒步手刃數人遂遇害子亦死焉

麥春芳

字元實南海人嘉靖  
癸未進士歷僉事

萬歷丙子舉人  
秀岐尚海人

帛

姓苑云吳郡人

漢帛敞

五威將軍

帛宣

後漢  
議郎

帛和

吳郡人  
神仙傳

帛意

舒人李憲將斬憲  
歸漢封漁浦侯

晉帛道全

即佛國澄永嘉四年  
來洛陽已百餘歲矣

赤

帝學師赤松子之後

漢赤斧

巴戎人為碧雞祠主簿能作水傾煉丹與消食  
服之三十年反如童子毛髮生皆赤後數十年

上華山取禹餘糧餌賣之蒼梧湘江  
問累世傳見之手掌中有赤斧焉

南赤歇

魏大將時來大將王玄  
謨攻虎牢歇援城以拒

金赤暉

涪州  
刺史

明赤從周

山西曲沃人正統中貢士山東汶上縣丞

萬厯間

山西太原衛千戶赤應龍鳳陽人山東安邱縣縣丞赤汝相羊陽人

劇

洛陽角音齊大夫食采於劇因氏

周劇辛

戰國時燕昭王卑身厚幣以招賢者於是辛自趙而往相王任國政下齊之計與有功焉

漢劇孟

洛陽人以其顯文帝時吳楚反周亞夫秉傳至河南而得孟喜曰吳楚舉大事而不求孟吾知其無能為也

其無能為也

五代劇可久

字尚賢范陽人能明法令仕周為太子庶子與侍御史張浚等制定刑統三十卷擢拜大

理火卿在廷尉四十年用法平允以仁恕稱來初以光祿少卿致仕



明  
劇暹 藁城人永樂  
戊子舉人

劇名 遷安人宣  
德中貢士

萬歷間山西蒙陰縣主  
簿劇汝儉遷安縣人

格 見姓苑允格之後望出陳留

漢  
格班 侍御  
史

晉  
格增 部  
將

格希充 潞州  
司馬

南  
北格顯 青州  
刺史

格謙

渤海

唐格輔元

浚儀人舉明經累官鳳閣鸞臺平章事武后欲以武承嗣為太子輔元不從遂下獄坐以

謀反斬之天下稱為冤

格輔之

明格化

貴州石阡人正德中陝西行都司經歷

草望出清河

周草朔

晉上軍大夫

漢草宋

功臣煮棗侯

草鑑

著秘苑秘  
圖一卷

明  
草庸

沂水人洪武  
中任知縣

草名

南和人宣德  
中任經歷

草從時

四川人少時一毫不苟人謂之草夫子登成  
化進士歷主事員外閣  
既言

事忤權貴  
調知濟寧

笮側伯切今吳郡有此姓

漢  
笮倫

楚人

笮融

漢末守林陵  
孫策收之

迕與竿同音

明迕原霖

洪武中任翰林編修

迕縝

如皋人永樂貢士鴻臚寺序班

迕宇

萍鄉人景泰中嘉興縣丞

迕洲

高郵人嘉靖貢士

萬曆間山東文登縣

丞迕春高郵人

策

明策敏

賀縣人成化中任長沙縣丞

策簡

豐城人正德  
中長沙縣丞

夕 巴郡七姓一曰夕氏後漢巴中渠帥有夕龔

三 夕斌蜀人尚  
書令

辟 左傳有辟司徒

漢 辟子方 見漢書  
富人

益 望出馮翊咸陽

漢 益強

益壽 俱印  
叢

宋 益暢 眉州人 紹興進士

元 益智 普山土酋有謀畧善安輯官至懷遠大將軍曲靖宣慰使掌普安路總管府事郡人服其威信

號 弘農角音王季之子號仲晉滅之子孫以國為氏又望出新平號畧

周 號射 晉大夫

漢 號廣 春秋博士

百秦大夫百里奚之後

漢 百政 見容齋隨筆

明 百恭 天順間贛州衛千戶

百通

建寧  
千戶

昔

周大夫封昔因氏焉

漢

昔登

烏傷  
令

唐  
昔安仁

汝州人  
大理評事

昔豐

大厯  
登科

藉

即藉氏

周  
藉琰

鄭大  
夫

射

食亦切

三射慈 呈人中  
郎將

客 見姓苑

漢客孫 字廣  
德

貂

明貂安 太和正統中  
任內黃縣知縣

貂廷用 崑崙人弘治中  
任穎州判官

宅 見姓苑

漢宅師 見印  
叢



澤 見姓苑

明 澤義 陳州人 洪武中以  
人材舉任同知

液 見姓苑

漢 液容調 急就  
章

亦 見姓苑

宋 亦尚節 開禧  
進士

明 亦淮 樸州人 弘治貢士 任  
雲南蘭滄衛知事

萬 歷間 江西參將  
亦孔 昭山東人

碧見姓苑

明碧潭

涿州人洪武中  
大名縣訓導

裨

漢裨強

裨朗

見印  
藪

罽

南罽文奏

太建間任  
南郡都尉

奭

見姓苑

漢

北海太守盛偉先姓  
奧避元帝諱改姓盛

高

即有高之國子孫以國為氏

璧

齊有璧司徒

釋

惠達太子成道姓釋

獲

宋大夫猛獲之後

陌

見姓苑

責

見姓苑

冊

見姓苑

適見姓苑

碩見姓苑

休古溺字見纂要

捫音託見直音

稽音作見直音

貉音駱見直音

擲音作見直音

芍音白見直音通志云姓也百濟有芍氏

萬世正統

萬世正統

十三

--	--	--	--	--	--	--	--

萬姓統譜卷一百二十二